

作寺不辨獨作入海得寶當作寺今安隱還是
是我一利至得金寶是我二利意不貪著興

立寺舍是我三利我倚三利功德今欲作寺

唯無人力工夫故以聞王王言我亦有三利

欲作塔寺身得作王爲人中上是我一利豐

饒財寶人兵是我二利四方皆伏是我三利

當與卿共作寺王呼五百夫人以珠與之五

百夫人皆自莊飾各欲得珠唯大夫人獨不

裝梳王問何故答亦有三利故得作王夫人

一宮所敬是我一利生男爲太子是我二利

常樂經道欲作佛圖寺是我三利王言善哉

以珠與之大夫人以百千兩金助王立寺王

舍十
舍十

與國中賢者作寺廣千步皆以金銀刻鏤王

言唯我三人有此福我國中人不蒙此耶遣

使街里宣今誰能多少有善意得福無量有

貧窮女唯一小屋乞丐衣食聞之自責宿不

布施今致困窮解身布裙向中擲與使者以

裾助王我形裸露無衣可出王聞驚怪乃有

是善心即勑將來使者曰此女人無衣可著
王勑五百夫人各取一領衣與之速往迎取

王即見之拜爲第二夫人令教授宮內卷

經律異相卷第三十 舍十

摸摸一胡反拇指上音門閭下苦本反

珠璣下居依反圓美母門墾也

強颶下薄報反

憇告下吾機蠱毒古音

到反詰却迷反

數諧上古操七反

憤房扮反

徒所綺捺拘二同音

訾計斯反竦然上息

懼惄上呂孔反下零帝腐朽上音父

梁沙門僧旻寶唱等集

經律異相卷第三十一

傍一

行善薩道諸國王子部上

乾陀尸利國王太子投身餓虎遺骨

起塔一

墨摩鉗爲法燒身火坑變爲花池二

忍辱爲父殺身三

智止以血肉施病比丘四

月光破身出血髓以救病人五

須闡提割肉供父母命六

須大拏好施爲與人白象詰擯山中七
祇域爲柰女所生捨國爲醫八

軋陀尸利國王太子投身餓虎遺骨起塔一
軋陀尸利國王太子不好榮華栖遁山澤時
深谷底有一餓虎新產七子遇天降雪虎母
抱子已經三日不得求食懼子凍死守餓護
子雪落不息母子飢困喪命不父母既飢逼
還欲噉子時諸仙曰誰能捨身救濟此者太
子曰善哉吾願果矣往到崖頭下向望視見
虎母抱子爲雪所覆生大悲心立住山頭寂
然入定即遠清淨無生法忍觀見過去無數
劫事未來亦余即還白師及五百同學吾今
捨身願各隨喜師曰學道日淺知見未廣何
忽自發捨所愛身太子答曰吾昔有願應捨

千身前已曾捨九百九十九身今日所捨足
得滿千身是故捨身願師隨喜師曰卿志願
高妙必先得道勿復見遺太子辭師而去師
與五百神仙啼泣滿目送太子到山崖頭時
日有富蘭長者將從男女五百人賣供上山
見太子捨身悲感涕哭亦隨太子至山崖頭
太子在衆人前發大誓願我今捨身救衆生
命所有功德速成菩提得金剛身常樂我淨
無爲法身未度者度未解者解未安者安我
今此身無常苦惱衆毒所集此身不淨九孔
盈流四大毒蛇之所蟄螫五拔刀賊追逐傷
割如此身者爲無反復甘饍美味及五欲樂
供養此身命終之後無善報恩反墮地獄受
無量苦夫人身者唯應令苦不得與樂又發
誓言今我以肉血救彼餓虎餘舍利骨我父
母後時必爲起塔令一切衆生身諸病苦宿
罪因緣湯藥針灸不得瘥者來我塔處至心
供養隨病輕重不過百日必得除愈若實不

虛者諸天降雨香華應聲雨曼陀羅花地皆震動太子即解鹿皮衣以纏頭目投身虎前虎母得食善薩肉母子俱活時崖頭諸人望見太子爲虎所噉骨肉狼籍悲號大叫聲動山中或有搥胷自撲宛轉卧地或有禪思或有叩頭懺悔首陀會諸天及天帝釋四天王

等日月諸天數千万衆皆發無上菩提之心作倡娛樂燒香散華供養太子而唱是言善哉摩訶薩埵從是不久當坐道場五百仙人皆發無上正真道意神仙大師得無生忍夫人遣餉唯見衣裳金蓋鉢錫瓶罐在石室中徧問仙人十十五五相向啼泣到天師所唯見仙師以手拄頰涕淚滿目呻吟而坐周而唯問無肯應對使者怖懼即以飲食施諸仙士走還向夫人具說上事夫人曰禍哉吾子死矣搢脣大叫奔走諸王王聞迷悶羣臣諫王太子在山願王小息王及夫人妃后采女臣佐吏民奔走上山長者富蘭連來告王太

子昨日投身巖下以肉飼虎今唯餘骨狼籍在地共到屍處王及夫人后妃采女群臣吏民舉聲悲叫震動山谷王與夫人伏于屍上心肝斷絕悶不識人妃前扶頭理太子髮曰寧令我身碎如塵粉不令我夫奄忽如今時羣臣白王太子布施誓度群生非無常殺鬼

傍一

三

所侵奪也及未臭爛宜設供養即收骸骨出山谷口於平坦地積栴檀香薪及香酥油用闍維之收取舍利起七寶塔時太子者我身是父王者即今我父闍頭檀是夫人者母摩耶是后妃者今瞿夷是闍耶者阿難是山上神仙大師者跡勒是出菩薩身鉢錫虎經

曼摩鉗爲法燒身火坑變爲華池二

昔閻浮提有王名梵天王有太子字曼摩鉗深樂正法帝釋化作婆羅門言我能說法太子投足禮敬請欲聞之婆羅門言我學積久云何直欲便聞若能不惜身命及於妻子入大火坑以見供養者吾乃與法太子具如其

言作大火坑王及夫人采女詣宮曉喻婆羅門乞以國城妻子一爲給使無令太子投此火中婆羅門言吾不相逼隨其意耳但如此者我不爲說王宣令國內却後七日太子燒身若欲見者至日早來合國貴賤一時皆集求哀固請其說如前太子語衆人言我於久

遠生死之中喪身無數人中爲貪更相斬害

天上壽盡失欲憂苦地獄燒煮刀鋸解割灰河劍樹痛徹心髓餓鬼之中百毒鑽軀畜生之報身供衆口食草負重持此衆苦空生身命未曾善心爲法今捨臭穢之形以求清勝汝等云何欲見前却吾得佛道施汝五分法

身太子便立火坑上婆羅門曰

常行於慈心 除去恚害想 大悲愍衆生
矜傷爲雨淚 修行大喜心 同已所得法
擁護以道意 乃應菩薩行

太子聞之便欲投火時帝釋梵王爲捉一手而歎之云閻浮提內一切生類賴太子恩莫

不得所今若投火天下喪父何爲自沒孤棄一切太子謝曰莫遮我無上道心身投火坑天地大動虛空諸天同時號哭淚如盛雨時烈火坑變成華池太子坐蓮華臺諸天雨花乃至于膝梵天王者今淨飯是母者今摩耶夫人是太子者今世尊是出賢愚經

傍一

四

忍辱爲父殺身三

毗婆尸佛時波羅柰國土聰慧仁賢無有子息事一仙神經十二年祈求不懈後第一夫

人生育一男性善不瞋人相具足召諸群臣占其吉凶即爲立字名曰忍辱及年長大好行布施於諸衆生等以慈悲國有六臣姦弊

諂佞枉橫無道人所厭患嫉妬太子時王重病命在旦夕忍辱太子告父諸臣曰父王危篤今當何爲諸臣曰妙藥難得命去不遠太子悲悶躋地惡臣立計欲除太子啓太子曰王病須藥藥不可得太子問曰爲是何物答曰是不瞑人眼睛及體若得此藥王命必全

太子曰我身似是其人即辭其母并集諸小國王自宣令言我今此身與大衆別即喚旃陀羅碎骨出髓剜取兩目臣即擣合奉上大王王即服之病得除愈問諸大臣此藥殊妙除我苦患諸臣答曰今此藥者太子所辦王曰今何所在答曰在外身體傷壞命不去遠

王大悲哭往到子所其命已終其母懊惱投身屍上我有宿罪應抹體如塵乃令我子喪失身命以牛頭栴檀而閻維之以其遺骨起

七寶塔

出大方便佛報思經第五卷

智止以血肉施病比丘四

昔闍浮利王名智力常護佛法深有至誠比

五

丘與王有親王所尊數國人愛重王欲見之無有狀足比丘髀上生大惡瘡國中醫藥所不能愈王及二万夫人皆懸悲念時王卧夢有天人來語王言若欲愈此比丘者當須生人肉血飲食之即愈王寤不樂念是比丘病重乃須此藥勑問臣下何從而得生人血肉

時王太子名曰智止白王王莫愁憂人之血肉最爲賤物世人所重道無所違王曰善哉太子默然還齋持刀割髀取肉及血送與比丘比丘服之瘡即除愈身得安隱王聞比丘已得除愈歡喜悅擇不能自勝太子自然平復舉國財寶賜與太子時至誠意者提和竭

羅佛是智力王者弥勒是也智止太子我身是也

出月明菩薩三昧經

摩光破身出血髓救病人五

有月光太子出行遊觀癩人見之要車白言我身重病辛苦懊惱太子嬉遊獨自歡耶大

慈愍念願見救療太子聞之以問諸醫言當須從生及長無瞋之人血髓塗而飲之如是可愈太子念言設有此人貪生惜壽何可得耶自除我身無可得處即命旃陀羅令除身肉破骨出髓以塗病人以血飲之如是等施及施妻子施而無恪如棄草木觀所施物知從緣有推求其實都無所得一切清淨如涅槃

樂相乃至得無生法忍是爲結業生身行檀
波羅蜜

出太智論第十二卷

須聞提太子割肉供父母命六

毗婆尸佛像法時波羅奈國王名羅闍唯有
三子各任小國時王聰叡正法爲治不枉人
民王有德力風雨以時五穀豐熟王所重臣

名羅睺羅睺心生惡逆忽起四兵伐波羅奈
國斷大王命續伐第一第二王子次討第三
第三王子形體殊大端正殊美仁性調善語
常含笑發言利益不傷人意正法治民土地
豐樂國計充盈四方歎美虛空諸天一切神
鬼亦皆敬愛有一太子字須聞提聰明慈仁

第六

好喜布施身黃金色七處平滿人相具足年
始七歲其父愛念心不暫捨時守宮神語王
言羅睺惡逆謀奪國位欲殺父王尋起師衆
拘捕二兄亦已斬命軍馬不久當復至此王
聞是語憂愁懊惱不能自持心肝崩裂宛轉
躋地良久乃蘇微聲報虛空中言卿是何人

傍一

深自悔責飢渴所迫命在呼吸思設方便不
欲三人併死殺婦活我及兒須聞提見王異
想前捉父手聲言欲作何等父悲淚滿目微
聲語子欲殺如母取其肉血以續汝命須聞
提銜泣啓父何處有子噉於母肉旣不敢肉
子母俱死願但殺子濟父母命王聞子言即

七

但聞其聲不見其形向者所宣審實余不即
報王言吾是守宮神以王聰明正直不枉人
民以是相告王宜速出其至不父王思投隣
國而有兩道一道七日行一道十四日行即
盛一人七日糧食入宮呼須聞提抱著膝上
夫人前問大王今者似恐狀王言非卿所知

夫人白言我身與王如鳥兩翅云何而言不
相閑預王報如上即抱太子便出進路夫人
隨後迷荒失心悞入十四日道其路險難無
有水草前行數日三人共資糧粒已盡道路
猶遠王及夫人舉聲大哭怪哉苦哉從生迄
今未曾聞有如是之苦如何今日身自更之

便悶絕微聲語子子如吾目何處有人自挑
目而還自食吾寧喪命終不殺子啖子肉也
須聞提又言若便斷命血肉臭爛未經幾日
欲求一願若是違者非慈父母時父王語太
子言不逆汝意須聞提言唯願日日就兒身
上割三斤肉二分奉供父母一分自食以續

身命父母泣而從之得至前路故餘二日身
肉轉盡肢節筋骨故相連續餘命未斷父母
抱持舉聲大哭我等無狀橫歟汝肉使汝苦
痛前路猶遠未達所在而汝肉盡今者併取
死一處時須聞提微聲諫言已歟子肉進路
至此父母今者莫如凡人併命一處爲憐愍
故莫見拒逆可於身諸節間淨割餘肉用濟
父母可達所在父母隨言食竟號叫分別須
聞提起立視父母父母大哭隨路而去父母
去遠不見須聞提太子戀慕父母目不暫捨
良久躰地身體新血肉香於十方而有蚊虫
聞血肉香來封身上遍體唼食楚毒苦痛不

可復言餘命未斷發聲立誓願宿世殃惡從
是除盡自今已往更不敢作今我此身以供
養父母願我父母常得十一餘福所殘血肉
施諸蚊虫皆得飽滿發是願時天地六種震
動日無精光禽獸散走大海波動須弥涌沒
六欲諸天皆悉怯怖下閻浮提化作師子虎
狼之屬張自掘皆跑地大吼震跳騰躡來欲
搏齧時須聞提見諸禽獸作大威勢微聲語
言汝欲見歟隨意取食何爲見恐時天王帝
釋即復天身太子見之歡喜無量時帝釋問
太子言難捨能捨如是功德爲願生天作魔
王梵王耶太子報言我願成無上菩提天帝
釋言空有此言誰當相信太子誓言我若欺
誑令我身瘡始終莫合若不尔者令我平復
血反爲乳身體平復端正倍常時天王帝釋
頭面禮足歎言善哉吾不及汝汝精進勇猛
會得菩提願先度我時天王帝釋於虛空中
即沒不現時王及夫人得到隣國隣國聞之

佛一

八

遠出奉迎相見具說上事供給所須甚稱意
望隣王感念太子慈孝即上四兵還與彼王
伐羅睺大臣即隨路而歸欲至先別太子處
收其骸柩前望悲哭轉近遙見太子身體平
復即前抱持悲喜交集時須闡提具以上事
啓其父母父母歡喜共載大象還歸本國太

子福深克旋本國即立太子以爲大王時父
王者今悅頭檀王是也時母者今摩耶夫人
是須闡提者今佛身是時天帝釋者阿若憍
陳是也

出大方便佛報恩經第一卷後

須大擎好施爲與人白象詰擴山中七

昔者葉波國王号濕隨太子名須大擎四等

普護言不傷人常願布施賑濟羣生令吾後
世受福無窮愚者不覩非常之變謂之可保
智者照有五家欲得衣食金銀衆珍車馬田
宅無求不與光馨遠被四海咨嗟父王有一
白象威猛武勢敵六十惡象怨國來戰象輒
能勝諸王共議遣梵志八人從乞白象太子

欣然問欲何求對曰欲乞行蓮華上白象象
名羅闍和檀太子曰善金銀雜寶恣意所求
即勑侍者疾鞁白象金銀鞍勒左持象勒右
持金瓊澡梵志手慈歡授象梵志大喜即呪
願竟騎象而去相國百揆靡不懶然僉曰斯
象力猛交戰輒勝今以惠讎國將何所恃具

傍一九

九

以白王王聞慘然久而曰太子好喜佛道以
周窮濟乏慈育爲行無從禁止假使拘罰斯
無道矣百揆僉曰切磋之教儀無失矣拘罰
爲虐臣敢聞之遂令出國置于田野十年之
間令自慚悔臣等之願也王即遣使者詰之
曰象是國寶以惠怨乎不忍加罰疾出國去
使者奉命宣述如斯太子對曰不敢違天命
願以私財更七日布施不敢侵國使者以聞
王即聽許太子欣然大施窮乏宣語疾來恣
意所欲七日既竟貧者皆富妻名曼底本諸
王女顏華綽約一國無雙自首至足七寶瓔
珞謂其妻曰起聽吾言大王從吾著檀特山

十二年爲限汝知之乎妻驚視太子泣淚而云何罪見逐捐國尊榮方處深山乎答曰吾用國名象以施怨家王逮群臣恚遂我耳妻即發願願國豐熟王臣非民富壽無極唯當建志山澤誓成道矣太子曰唯彼山澤恐怖之處虎狼害獸難爲止矣又有毒虫胞麁麁

鬼雷電霧風雨雲霧甚可怖畏寒暑過度樹木難依藜藜礫石非蹠所堪余王者之子生于榮樂長於宮中衣即細軟飲食甘美卧則帷帳衆樂聒耳願即恣心今處山澤卧即草蓐食即果菜非人所忍何以堪之乎妻曰細靡衆寶惟帳甘美何益於已而與太子生離乎夫王者以幡爲幟火以烟爲幟婦人以夫爲幟吾持太子猶持二親太子在國布施四遠吾輒同願今當歷險而留守榮豈仁道哉儻有來乞不覩我夫心之感結必死無疑太子曰遠國之人來乞妻子吾無逆心余爲情戀儻違惠道者撻絕洪濶壞吾重任也妻

曰太子布施覩世希有當卒弘誓慎無倦矣百千万世無人如卿建佛重任吾不敢違也太子曰善即將妻子誦母辟別誓首于地愍然辭曰願捐重思保寧玉體國事鞅掌數以慈諫無以自由枉彼天民當忍不可忍母曰未有子時結願求嗣懷妊之日如樹含花日傍一十

須其成天不奪願令吾有子養育成就而當生離夫人嬪妾不復相敬太子妻兒誓首拜退宮內巨細靡不哽噎出與百揆哀訣俱出城去靡不竊云太子國之聖靈衆寶之尊二親何心而逐之乎太子坐城外謝諸送者遣之還居北民拜伏僉然舉哀傷或有躰踊呼天音響震國去國已遠坐一樹下有梵志遠來乞身寶服及妻子珠璣盡以惠之令妻子升車執轡而去始欲就道又逢梵志負馬以馬惠之自於轍中挽車進道又逢梵志來勾其車即以車惠太子車馬衣裘身寶雜物都盡無餘令妻嬰女已自抱男經二十日乃

到山中太子覩山樹木茂盛流泉美水甘果備焉鳬鷺鷯鷀遊戲其間太子謂妻曰樹木參天渺有折傷羣鳥悲鳴泉果甚多足爲飲食唯道是務耳山中道士皆守節好學有一道士名阿珠陀父處山間甚有妙德即與妻子詣之稽首曰吾將妻子來斯學道願垂洪慈誨成吾志也道士誨之太子則焉柴草爲屋結髮莞衣食果飲泉男名耶利衣小草服從父出入女名罽拏延著鹿皮衣從母出入處山一宿天爲增泉更生藥木後有鳩留孫貧老梵志其妻年豐顏華端正提瓶行汲道逢年少撫而調之曰余居貧乎貪彼差財庶

傍一十一

以歸居彼翁學道希成一人專愚懶悞余將所貪乎顏狀醜黑鼻正匾匾身體繚戾面皴脣哆言語蹇吃兩目又青狀類如鬼舉身無好孰不惡憎余爲室家將無愧厭乎婦流淚而云翁鬚髮正白由霜著樹朝夕未死無如之何歸向其聳具陳是事若無奴使吾去子

矣婿曰吾貧何緣卒獲給使乎妻曰吾聞須大拏洪慈濟衆徙著山中其有兩兒乞則惠鄉妻數有言婦愛難違即用其言尋覓道路逢獵士獵士素知太子送逐所由勃然罵曰吾斬余首問太子爲梵志遷而懼曰王逮羣臣令呼太子還國爲玉荅曰大善喜示其處遇見小屋太子亦覩其來兩兒覩之中心怛懼兄弟俱曰吾父尚施而斯人遠來財盡無副必以吾兄弟惠之攜手俱逃母故擗膝召容人二兒入中以柴覆上自相誠曰父呼莫應也太子慰勞之曰歷遠疲倦矣對曰吾自彼來舉身疼痛又大飢渴太子設果漿今故歸窮庶延微命太子惻然曰財盡無惜矣梵志曰可以二兒給養吾老矣荅曰吾心無違太子呼兒兄弟懼矣又相謂曰吾父呼求必以惠此鬼違命不應太子知其隱在臼中發柴覩之兒出抱父戰慄涕號言此是鬼耳非梵志也兒數覩梵志顏類未有若茲無以我

等爲鬼作食我母採果來歸何違今日定死
爲鬼所噉母歸索吾如牛索犢狂走哀慟父
必悔矣太子曰我生布施未嘗微悔吾以許
焉亦無違矣梵志曰吾老氣微兒捨道邁之
其母所子已弘惠縛以見付太子持兒令梵
志縛自牽繩端兩兒躋身宛轉父前哀號呼

母曰天神地祇山樹諸神一哀告母云兩兒
以惠人可一相見哀感二儀山神作響有若
雷震母時採果中心忪忪仰看蒼天不覩雲
兩右目睂左躡痒兩乳流出母惟之曰斯怪
甚大歸視我兒委果旋歸惶惶如狂帝釋念
曰菩薩志隆欲成重任若及妻到壞其高志

傍一

十二

化爲師子當道而蹲婦曰卿是獸中之王吾
人中王之女俱處斯山吾有兩兒皆尚微細
朝來未食須望我耳師子避之婦得進路回
復於前化作白狼婦辭如前狼又避焉又化
爲虎計梵志遠乃遂退矣婦覩太子獨坐慘
然怖曰吾兒所之而今獨坐兒常見歸犇走

趣吾跳梁喜笑曰母歸矣今兒戲具泥象泥
牛泥馬泥豬雜巧諸物縱橫于地觀之心感
吾便發狂將不爲虎狼鬼魅盜賊所吞乎疾
釋斯結吾必死矣太子久而言曰有一梵志
來索兩兒云年盡命微欲以自濟吾以惠之
婦聞斯言感懼躡于地宛轉哀慟流淚而云
審如一夜所夢夢覩老貧梵志割吾兩乳執
之疾馳正爲今也哀慟呼天動一山間太子
覩妻哀慟尤甚謂之曰吾本憚尔隆孝奉尊
無求不惠盟誓甚明而今哀慟以亂我心妻
曰太子求道厥勞何甚帝釋諸天僉然議曰
太子道弘普施無逆試求其妻釋化爲梵志

傍一

十三

曰子懷軋坤之仁普濟羣生布施無逆故來
歸心子妻賢貞德馨遠聞故來乞勾答曰大
善天地卒然大動天人鬼神靡不歎善梵志
曰吾是天帝非世庸人也故來試子子尚佛
慧影範難變矣今欲何願恣求必從太子曰
願獲大富常好布施無貪踰今吾父王及國

臣民思得相見天帝曰善應時不現梵志喜獲其志行不覺疲連牽兩兒如得亡役兒王者之孫榮樂自由去取二親爲繩所縛結處皆傷哀號呼母鞭之而走血流丹地天神愍念解縛愈傷爲生甘果令地柔軟兄弟摘果更相授啖曰甘如苑中果地柔軟如王邊氳

氳矣兄弟相扶仰天呼母涕泣流身歸到其家喜笑且云吾爲余得奴婢二人自從所使妻覩兒曰奴婢不余斯兒端正手足悅澤不任作勞可行衛賣更買所使又欲往異國天惑其路乃之本土兆民識焉僉曰斯大王孫矣便以聞王王呼入宮宮人巨細靡不歔欷

王欲抱兩兒不就王曰何故兒曰昔爲王孫今爲奴婢之賤何緣坐王膝乎王問梵志曰緣得斯兒對之如實曰賣兒幾錢梵志未答男孫謀曰男直銀錢一千特牛犧牛各二百頭女直金錢一千特牛犧牛各二百頭王曰男長而賤女幼而貴何也對曰太子旣聖且仁

父處山何食自供兩兒俱曰食菜樹果以自給耳日與禽獸百鳥相娛亦無愁心王遣使者迎焉使者就道山中樹木俯仰屈伸似有跪起之禮百鳥悲鳴哀感人情太子曰斯者何瑞妻卧地曰王意解釋使者來迎神祇助喜故興斯瑞妻自亡兒卧地使者到乃起拜王命矣使者曰王遠皇后損食街泣身命日衰思覩太子太子左右顧望戀慕山中樹木流泉枝淚升車自使者發舉國歡喜治道掃除預施帳幔燒香散華娛樂幢蓋舉國趨蹕稱壽無量太子入城頓首謝過退傍起居王復以國藏珍寶都付太子勸令布施隣國困

民如川歸海宿怨觀之拜表稱臣貢獻相銜
賊寇尚仁偷盜競施干戈厭藏困毀矣羣
生永樂十方慶善積德不休始雖嬰苦今爲
無盡尊矣太子後終生兜率天自天來下生
白淨王宮今吾身是父王者阿難是妻瞿夷
是子男羅云是女者羅漢珠暹母是天帝釋

者彌勒是射獵者優陀耶是阿珠陀者大迦
葉是賣兒梵志者調達是菩薩慈惠布施如

是出須大經

祇域爲柰女所生捨國爲醫人

昔維耶離國王苑中生一柰樹枝葉繁茂加
有光色香美非凡王極寶愛自非宮中尊貴
不得啖之時有梵志居家饑富一國無雙聰
明博達才智出羣王用爲大臣請食設畢以
一柰實與之梵志見柰香美非凡乃問曰此
柰樹下寧有小栽可得乞不王曰卿若欲得
一栽相與梵志種之朝夕灌漑枝條茂好三
年生實光彩大小如王家許梵志大喜自念

我資財無數不減於王唯無此柰今既得之
即無所減便取食之而大苦澀乃退思惟當
是土無肥耳仍捉取乳以飲一牛次第至百
煎爲醍醐日日灌之却至明年實乃甘美而
樹邊生一榴節大如手拳日月增長恐妨其
實適欲斫去復恐傷樹遲徊未決節生一枝

佛一

十五

洪直調好高出樹顛去地七丈杪生諸枝形
如偃蓋華葉茂好勝於樹本即作棧閣登而
視之見偃蓋之中乃有池水既清且香衆華
鮮明披視華下有一女兒在池水中梵志抱
取歸家長養名曰柰女至年十五顏色端正
天下無雙聲聞遠國有七國王同時俱來詣
梵志所求婢柰女以爲夫人梵志不知與誰
於其園中架一高樓以柰女置上謂諸王曰
此女非我所生自出於柰樹之上今七王俱
求我設與一六當見怒不敢愛惜女今在園
中樓上諸王但自評議應得者取非我所制

登樓就宿明晨當去柰女曰大王幸枉威尊接遠若其有子則是王種當何所付王曰是男還我是女還汝王即脫手金鐶之印以付柰女曰以是爲信出語群臣我已得柰女與共一宿洴沙軍人皆稱万歲曰我王已得柰女六王聞之便各還去柰女生男兒初生時

傍一

十六

手中把持針藥囊梵志曰此國王之子而執持醫器必醫王也名曰祇域涅槃等諸經皆云者婆譯特比立城至年八歲聰明學問書疏絕倫與隣比小兒遊戲心常輕諸小兒諸兒罵曰無父之子姪女所生何敢輕我祇域愕然默而不答便歸問母曰我視諸子皆不如我而反罵我言無父之子我父今者爲在何許母曰汝父者是洴沙王祇城曰洴沙王乃在羅悅祇國去此五百里何緣生我即持此鐶往羅悅祇國徑入官門即到王前爲王作禮長跪白曰我是王子柰女所生今年八歲始知是大王種故奉指鑑印信遠來歸家王見印文憶

禮曰太子神聖非我所及歷世疑義請太子說便解其義諸醫歡喜作禮奉行祇域便就救療所治輒愈遠國知名還於宮門逢擔樵小兒望見五藏縷悉分眞祇域心念本草經說有藥王樹從外照內此兒樵中有藥王樹即問曰賣堪幾錢兒曰十錢依雇十錢兒下

昔有誓知是其子愴然憐之以爲太子涉歷二年會阿闍世王生祇域因白王曰我初生時手把針藥囊應當爲醫王雖以我爲太子非我所樂王嫡子生矣應襲尊嗣我願得行學諸醫術王即聽之勑國上醫盡術教之而祇域嬉戲未嘗受學諸師責謂之曰醫術鄙

樵置地則闇不復見其腹中祇域思惟不知
束中何者是藥王木便解兩束一一取之以
著兒腹上無所照見如是盡兩束樵最後小
枝照見腹內祇域大喜知此小枝定是藥王
悉還兒樵兒歡喜去時國中迦羅越家女年
十五臨當嫁日忽頭痛而死祇域聞之往至

其家問女常有何病乃致天死父曰女小有
頭痛疾日月增甚朝發致命祇域以藥王照
女頭見有剝蟲大小相生乃數百枚鑽食頭
腦脳盡故死便以金刀剝破其頭悉出諸蟲
封著醫中以三種神膏塗瘡一種者補蟲所
食骨間之傷一種生腦一種治外刀瘡告女

傍一

十七

父曰好今安靜慎莫使驚七日當愈到日我
當復來祇域適去女母便更啼哭曰我子爲
再死也豈有破頭鑽腦當復活者父止之曰
祇域生而把持針藥囊捐棄尊位行作醫師
但爲一切護治人命此大醫王豈當妄耶囑
語汝言慎莫使驚而卿今反啼哭以驚動之

欲令此兒不復生耶母聞便止供養護之寂
靜七日女便生氣而寤如從臥覺曰我今者
了不頭痛身體皆安誰護我者使得如是父
曰汝前已死醫王祇域故來護汝破頭出蟲
以得更生便開醫出蟲示之女見大更驚恠
深自僥倖曰祇域乃神如是何報其恩須臾

祇域來至女大歡喜出門奉迎作禮跪曰願
爲君婢終身以報更生之恩祇域曰我爲醫
師周行治病居無常處何用婢爲必欲報恩
者與我五百兩金我不自用當謝師恩師雖
無以教我我見嘗爲弟子今得汝金當以與
之女便奉五百兩金祇域受以與師因白王
暫歸省母到維耶離國有迦羅越家兒好學
作一木馬高七尺餘學習騎上初學得上馬
後遂失據躋地而死祇域聞之便往以藥王
照腹見肝反戾向後氣結不通故死復以金
刀破腹手探料理還肝向前畢以三種神膏
塗之其一種者補手所護持之處一種通利

氣息一種主合刀瘡囑語其父曰慎莫令驚
三日當愈父承教勑寂靜養視至於三日兒
便吐氣而寤亦如卧覺即便起坐俄而祇域
來兒出迎禮曰願爲作奴終身供養以報生
活之恩祇域曰我爲醫師周行治病病者之
家爭爲我使當用奴爲我母養我勤苦我未

有供養卿若欲謝我與我五百兩金以報母
恩取金以上柰女還歸羅悅祇國祇域活此
兩人便馳名天下莫不聞知又南有大國去
羅悅祇八千里洴沙及諸小國皆臣屬之其
王疾病積年不瘥恒苦瞋恚睨趾殺人人舉
目視之亦殺低頭不仰亦殺使人行遲亦殺

傍一十八

疾走亦殺左右侍人不知當何措手足醫師
合藥輒嫌有毒亦復殺之前後所殺傍臣宮
女及醫師輩不可稱數病日增甚毒氣攻心
煩憊短氣如火燒身聞祇域名即爲下書勑
洴沙王徵召祇域祇域聞此王多殺醫師大
小以恐怖洴沙又憐其年小恐爲所殺適欲

不遣畏見誅伐父子相守晝夜憂愁乃將祇
域俱往問佛佛告祇域汝宿命時與我約誓
俱當救護天下人病我治內病汝治外病今
我得佛故如本願會生我前此王病篤遠來
迎汝如何不往急往護之趣作方便令病必
愈不殺汝也祇域便承佛威神往到王所診
省脉理及以藥王照之見王五臟百脉之中
血氣擾擾悉見是她薑之毒周而身體祇域
白王王病可治治之保愈然宜見太后諮議
合藥若不見太后藥終不成王聞此語不解
其故意甚欲怒然患身病宿聞祇域之名故
遠迎之冀必有益且見小兒知無姦私忍而

聽之即遣青衣黃門將入見太后祇域曰太
后玉病可治今當合藥宜密啓其方不可宣
露願屏左右太后即遂遣青衣黃門出祇域
因問太后向省王病見王身中血脉悉是她
薑之毒似非人類王爲定是誰子太后以實
語我我能治之若不語我我則不知所治太

傍一十九

后曰我昔嘗於金柱殿中晝卧忽有物來麁
我上者我時恍惚夢與通情忽然而寤見有
大蠻長三尺餘從我上去即覺有軀王實是
此蠻子也我爲著耻此未嘗出口童子今乃
覺之何其神妙若病可治願以王命委齕童
子今者治之當用何藥祇域曰唯有醍醐耳
太后曰咄童子慎莫道此王大惡聞醍醐之
氣又惡聞其名前後坐口道醍醐而死者數
千百人汝今道此必當殺汝以此飲王終不
得下願更用他藥祇域曰醍醐治毒毒病惡
聞醍醐是也王病若微及是他毒爲有餘藥
可以愈之蠻毒既重又已而體自非醍醐終
不能消今當煎剋化令成水乃出見王曰向
入見太后已啓藥方今當合之十五日當成
今我有五願王若聽我病可即愈若不聽我
病不得愈王問五願盡何事祇域曰一者願
得玉匣藏中新衣未經軀者與我衣之二者
願令我得獨出入宮門不使禁訶三者願得

目日獨入見太后及王后亦莫禁呵四者願
王飲藥當壹仰令盡莫得中息五者願得王
八千里白象與我乘之王聞大怒曰鼠子何
敢求是五願促且解之若不能解今打殺汝
祇域曰合藥宜當精潔齋戒而我來日經父
衣服皆被塵垢故欲得王衣著以合藥也又
王前後使諸醫師皆嫌疑之無所委信又誅
殺之不服其藥群臣大小皆言王當復殺我
而王病已甚恐外人生心作亂若令我自出
自入不見禁訶則外人大小皆知王信我無
疑必服我藥病必當愈則不敢生逆亂之心
也又王前後殺人甚多臣下大小各懷恐怖
皆不願王之安隱無可信者今共合藥恐其
因我顧睨之間便投毒藥中令我所不覺則
非小故思惟天下可信者恩情無二唯有母
與婦耳故欲入見太后王后與共合藥當煎
十五日乃成故欲日日得入伺候火劑耳又
藥有劑數氣味宜當相及若其中息則氣不

傍一

相係也又乃南累山中有神妙藥草去此四千里王服藥宜當即得此草重復服之故欲乘此象諸往採之朝去暮還令藥味相及也王意大解皆悉聽之於是祇域煎剗醍醐十五日成化如清水凡得五升便與太后王后俱出奉藥白王可服願載白象置殿前王即聽之王見藥但如清水一服便盡祇域便乘象徑去歸其本國適行三千里年幼微弱不甚疾迅頭眩疲極卧息山間過中王噫出醍醐氣大怒曰小鼠子敢以醍醐中我怪小鼠所以求我白象正欲以叛去耳王有勇士名曰烏神足能行即勑逐取小鼠還我目前捶而殺之烏行及之曰汝何故以醍醐與王而言是藥王令我追呼汝還汝急隨去陳謝自首庶望得活若故欲走今必殺汝終不得脫祇域自念我雖方便求此白象故復不脫今當復作方便何可隨去乃謂烏言我朝來未食還必當死寧可假我須臾得於山間啖果

傍一
十一

飲水飽而就死乎烏見祇域小兒懼死言辭辛苦矜而聽之曰促食當去不得久留祇域乃取一梨契食其半以毒藥著爪甲中以分餘半便置於地又取一杯水先飲其半又行爪下毒於餘水中復置於地乃歎曰此水及梨皆是天藥清香且美其飲食者令人身安百病皆愈氣力兼倍恨其不在國都之下百姓當共得之而在深山之中人不知也便進入山索求他果烏性既貪舐不能忍於飲食又聞祇域歎為神藥亦見祇域已飲食之謂必無毒便食餘梨飲餘水即便下痢痢如注水躰地而卧起輒眩倒不能復動祇域往語之曰王服我藥病必當愈然今藥力未行餘毒未盡我今往者必當殺我汝無所知趨欲得我以解身負故使汝病病自無苦慎莫動搖三日當瘳若遂起逐我必死不疑便上象而去過語墟聚伍長曰此是大國王使今忽得病汝等急往昇取歸家好養護之厚其牀

席給與糜粥慎莫令死若令死者王滅汝國語畢便去遂歸本國伍長承勑迎取養護三日毒歇下給便歸見王叩頭自陳曰我實愚蠢違負王教信祇域言飲食其餘果水爲藥所中下痢三日始今日瘥自知當死比烏既還三日之中王病已瘥悔遣鳥行見烏來還

且喜且悲曰賴汝不即將兒來當我恚時必當捶殺我得其恩今得生活而反殺之逆矣不可即料前後所枉殺者悉更厚葬復其家門賜與錢財思見祇域欲報其恩即遣使者奉迎祇域祇域雖知王病已瘥猶懷怖畏不欲復往佛告祇域汝本宿命已有弘誓願成就功德何得中止應當更往汝已治其外病我亦復治其內病祇域便隨使去正見祇域甚大歡喜引與同坐把持其臂曰賴蒙仁者之恩今得更生當何以報當分國土以半相與宮內采女庫藏寶物悉當分半祇域曰我本爲太子雖實小國亦有民人珍寶具足不

樂治國故求爲醫當行治病當用土地采女寶物爲皆所不用王前聽我五願外病得愈今若復聽我一願內病復除王曰唯聽仁教請復聞之祇域曰願王請佛從受明法爲王說佛功德王聞大喜曰今欲遣鳥臣以白象迎佛可得致不祇域曰不用白象也佛遙知

佛一

廿一

心念但宿齋戒清潔辦諸供具燒香遙禮長跪請佛佛必自來王如其言佛與千二百五十比丘俱來飲食已畢爲王說經王即開解發無上道心舉國大小皆奉五戒柰女生時既有奇異長又聰明從父學問博知經道星曆諸術有勝於父加達音樂聲如梵天諸迦羅越及梵志家女合五百人皆往從學以爲大師柰女常將五百弟子講授經術或相與遊戲園池及作音樂國人不解其故便生詬謗呼爲婬女五百弟子皆号婬黨柰女生時國中復有二女俱產一須曼女二波曇女須曼女者有生迦羅越家常筆須曼以爲香膏

筆膏石邊忽作窟節大如彈丸長如手拳石便爆破見石節中耿如熒火射出墮地三日而生須曼又三日成華中有小女迦羅越取而養之名須曼女及年長大才明智慧亞次柰女波曇女者有梵志家浴池之內生青蓮花日日長大如五斗執華舒見中有一小女梵志養之名曰波曇女年長大才智明達如須曼女諸國王聞此二女顏容絕世交來求娉二女曰我生不由胞胎乃出草華之中與凡人不同何宜當隨世俗乃復嫁娶聞柰女聰明遍世無匹生又與我同體皆辭父母往事柰女求作弟子明智傳達皆勝五百人佛少時到維耶離國柰女師諸弟子出城奉迎禮佛跪言願佛明日我園中食佛默然受王出宮迎又請明日宮食佛言柰女前請王後之矣王曰我爲國主至心請佛必望哀許柰女但是姪女日日將從五百弟子行作不輓佛何爲捨我而應其請佛言此女非姪其宿命

有大功德已供養三億佛昔又嘗與須曼波曇俱爲姊妹柰女最大須曼次之波曇最小生於大姓家財寶富饒姊妹相師共供養五百比丘尼施設飲食及作衣服隨所乏無皆悉供之盡其壽命三人誓言願我後世值佛得自然化生不由胞胎遠離穢濁今如本願生得值我昔雖供養五百比丘尼既生豪富言語嬌縱時戲尼曰諸道人等抱色日久必當欲嫁迫我供養不得恣情耳故今者受此餘殃雖講經道而虛彼姪謗此五百弟子時併力同心今生復得相隨祇域時爲貧家小兒見柰女供養意甚慕樂而無資財乃常爲比丘尼掃除淨已輒復念言願我能除天下人病柰女憐其貧又嘉其勤常呼爲子其比丘尼輩有疾病者常使祇域迎醫及合湯藥僉曰願汝後世與我共獲是福祇域迎醫所治悉愈乃誓曰願我後身爲大醫王常治一切人身四大之病所向皆愈王聞佛言乃

自悔過却期後日佛便與諸比丘到柰女園
具爲說本願功德三女聞經皆悉開解及五
百弟子皆得阿羅漢道

出奈女經

經律異相卷第三十一

摩鉗

下巨闊提演反

大擊

加反

詰賓

上起反

傍

一間

也

而

觀跑

地

上步

跳躡

上音

搏躡

上音

持

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

